

UNIVERZITET U SARAJEVU

Institut za historiju

Komisija za izbor u naučno zvanje naučni saradnik za oblast moderne historije

VIJEĆU INSTITUTA ZA HISTORIJU UNIVERZITETA U SARAJEVU

Na osnovu člana 29. Zakona o naučnoistraživačkoj djelatnosti („Službene novine Kantona Sarajevo“ br. 16/06) i člana 113. Statuta Univerziteta u Sarajevu, Vijeće Instituta za historiju na 42. redovnoj sjednici održanoj 12. 6. 2024. je aktom broj 01-01-393/24 imenovalo Komisiju za izbor u naučno zvanje naučni saradnik za oblast moderne historije u sastavu:

1. prof. dr. Edin Radušić, redovni profesor na Univerzitetu u Sarajevu - Filozofski fakultet - predsjednik;
2. dr. Aida Ramić, naučni saradnik na Univerzitetu u Sarajevu - Institut za historiju - član;
3. dr. Edin Omerčić, naučni saradnik na Univerzitetu u Sarajevu - Institut za historiju - član.

Komisija je uz konkursni materijal zaprimila akt (Potvrda) Instituta za historiju broj 03-01-377/24 od 06. 06. 2024. godine, kojom se potvrđuje da se na javni oglas za izbor u zvanje naučni saradnik za oblast moderne historije u Institutu za historiju, objavljen u dnevnom listu "Dnevni avaz" dana 20. 05. 2024. godine, prijavio jedan kandidat: **dr. Sabina Veladžić**. U pomenutom aktu sekretar Instituta saopćava da je prijava blagovremena i uredno i svojeručno potpisana, da su dostavljeni svi potrebni dokumenti traženi konkursom te konstatira da je prijava potpuna i usklađena s uvjetima utvrđenim konkursom.

IZVJEŠTAJ

Dr. Sabina Veladžić rođena je 19. 5. 1977. godine u Sarajevu gdje je završila osnovnu i srednju školu. Godine 2005. diplomirala je na Odsjeku za historiju Filozofskog fakulteta Univerziteta u Sarajevu i stekla stručni stepen profesor historije. Na istom je fakultetu u periodu od 2007. do 2011. godine poхађала postdiplomski studij iz Historije Bosne i Hercegovine u 19. i 20. stoljeću

koji je završila 7. 9. 2011. odbranom magistarskog rada *Bošnjaci u Bosni i Hercegovini od 1990. do 1992. godine: uzroci i sredstva nacionalne homogenizacije*, čime je stekla naučni stepen magistra historijskih nauka (Mr. sc.) Diplomski studij završila je s prosječnom ocjenom 9,4, a postdiplomski s prosjekom 9,5. Akademске 2012/2013. upisala je doktorski studij na Odsjeku za historiju Filozofskog fakulteta Univerziteta u Sarajevu, smjer Historija Bosne i Hercegovine u 19. i 20. stoljeću. Dana 17. 5. 2018. uspješno je odbranila doktorsku disertaciju *Bosna i Hercegovina i njeni nacionalno-kulturni fenomeni u javnim, kulturnim i naučnim raspravama i publicistici (1967-1974)*, čime je stekla pravo na akademsku titulu i naučno zvanje doktor historijskih nauka (Dr. sc.). Odlukom Senata Univerziteta u Sarajevu od 10. 06. 2005. godine Sabina Veladžić je dobila Zlatnu značku Univerziteta u Sarajevu za najboljeg studenta na Filozofskom fakultetu. Kandidatkinja je od 2006. godine zaposlena u Institutu za historiju Univerziteta u Sarajevu, prvo kao pripravnik pa onda u zvanjima stručnog saradnika i višeg stručnog saradnika, a od 2018. godine nalazi se u zvanju naučnog/-e saradnika/-ce.

U cijelokupnom dosadašnjem naučnoistraživačkom radu Dr. Veladžić je napisala magisterski rad, doktorsku disertaciju, trinaest (13) izvornih naučnih radova, od čega sedam (7) izvornih naučnih radova tokom proteklog i prvog izbornog perioda koji su predmet ocjene Komisije za izbor. Objavila je i desetak prikaza znanstvenih publikacija, od čega su četiri objavljena u prethodnom izbornom periodu. Kandidatkinja je svoje razumijevanje prošlosti dijelila sa širom društvenom zajednicom putem različitih medija (portali, štampa, televizija). U prijavi na konkurs dr. Sabina Veladžić je istakla da joj je posebno drag aspekt društveno korisnog rada i širenja povjesnog znanja o emancipacijskim povjesnim procesima u Bosni i Hercegovini bio rad sa srednjoškolskom omladinom u okviru Male škole antifašizma održane u Travniku 17. 11. 2022. U prvom izbornom periodu u zvanju naučne saradnice, koji je predmet ocjene Komisije, kandidatkinja je s referatima učestvovala na većem broju međunarodnih, regionalnih ili domaćih naučnih konferencija, okruglih stolova ili radionica, organiziranih od strane prepoznatljivih naučnih ili kulturnih institucija (ANUBiH, Univerzitet u Sarajevu, Univerzitet u Sarajevu - Institut za historiju, Univerzitet u Sarajevu - Orijentalni institut, Historijski muzej Bosne i Hercegovine, Centar za kulturološka i povjesna istraživanja socijalizma Sveučilišta Jurja Dobrile u Puli, Udruženje za modernu historiju UMHIS). Dr. Sabina Veladžić je u okviru aktivnosti Instituta za historiju organizirala dvije naučne tribine – *Između intelektualne otuđenosti i idejno-političke servilnosti* (2. 12. 2020.); *Žena Bosne i*

Hercegovine. Koncept i/ili stvarnost na margini povijesnih, ideoloških i kulturnih sistema (28. 10. 2021.). Također, uspješno je vodila dva realizirana naučno-istraživačka projekta: „Preobrazbe porodice i društvenog položaja žene u diskursu i stvarnosti idejno-političkih sistema Bosne i Hercegovine u 19. i 20. stoljeću“ (2022; finansiran i podržan od Federalnog ministarstvo obrazovanja i nauke Bosne i Hercegovine) i „Zamišljanje žene - O ideološkim i kulturnim konceptima ženskog roda u povijesti Bosne i Hercegovine“ (2023; finansiran i podržan od fondacije Heinrich-Böll-Stiftung). Pored autorskih tekstova proizašlih iz navedenih projekata rezultat drugog projekta je i Zbornik radova *Zamišljanje žene O ideološkim i kulturnim konceptima ženskog roda u povijesti Bosne i Hercegovine* (ur. Sabina Veladžić i Aida Ličina Ramić, Heinrich Böll Stiftung Sarajevo, Sarajevo 2023.). Kandidatkinja trenutno radi na realizaciji institutskog projekta pod naslovom „Historiografija u Bosni i Hercegovini (1967-1974) – između utemeljenja nacionalno/socio-kulturnog identiteta i marksističke ideološke paradigmе“. Dio rezultata iz ovog projekta je objavljen u njenom izvornom naučnom članku „Povijesni i (proto)nacionalni razvoj Bošnjaka i (stigmatizacija) bošnjaštva u diskurzivnim praksama kulturne inteligencije u Bosni i Hercegovini 1960/1970-ih i početkom 1990-tih“, (u: Zbornik radova *Bošnjaci u emigraciji: Adil Zulfikarpašić i nacionalno-politički vidokrug časopisa Bosanski pogledi*, ur. dr. Safet Bandžović, Bošnjački institut Fondacija Adila Zulfikarpašića, Sarajevo, 2023). Učestvovala je i u projektu „Jugoslavija 1990-tih godina: Ideologije, konteksti, historiografske interpretacije“, (Udruženje za modernu historiju).

Svoju posvećenost naučnom radu i radnim zadacima matične kuće Instituta za historiju u proteklom izbornom periodu dr. Veladžić je pokazala uređivanjem monografije dr. Sonje Dujmović, *Pod državnim okriljem. Istorija djetinjstva u Bosni i Hercegovini 1878-1941.*, (Institut za historiju UNSA, 2021.), te učešćem u radu redakcijskih i uređivačkih odbora *Historijskih traganja* br. 18 (Institut za historiju UNSA, Sarajevo, 2019.) kao i Zbornika radova *Prijelomne godine bosanskohercegovačke prošlosti I i II* (ur. Sedad Bešlija, Institut za historiju UNSA, Sarajevo, 2021.). Od 2024. godine urednica je *Historijskih traganja*, jednog od dva časopisa Instituta za historiju UNSA. Učestvovala je i u međunarodnoj razmjeni akademskog osoblja gdje je u okviru Grant agreement for Erasmus staff mobility for teaching between Programme and Partner Countries, Od 26. 5. do 9. 6. 2022. godine boravila na Univerzitetu Louvain-le Neuve u Belgiji. Kandidatkinja je u prijavi navela i da je recenzirala više radova za stručne i naučne časopise društvenih i humanističkih nauka u Bosni i Hercegovini.

Kandidatkinja Dr. Sabina Veladžić je uz prijavu na konkurs, pored neophodnih dokumenata koji su dokaz da ispunjava uslove i svjedoče o njenoj stručnoj i naučnoj osposobljenosti za izbor u zvanje naučni saradnik za oblast moderne historije u Institutu za historiju, priložila i biografiju s bibliografijom (Europass CV), ažuriranu 20.5.2024. godine, te printane kopije sedam izvornih naučnih članaka, objavljenih u prvom izbornom periodu u zvanju naučnog/-e saradnika/-ce na Institutu za historiju UNSA, oktobar 2018-2024. godine, a koji su predmet ocjene Komisije. Radovi su objavljeni u prepoznatljivim publikacijama (časopisima i zbornicima radova), štampanim u Bosni i Hercegovini i Hrvatskoj.

Objavljeni izvorni naučni radovi (članci) u periodu 2018-2024:

1. Sabina Veladžić, „Udruženje književnika Bosne i Hercegovine u jugoslovenskim i bosanskohercegovačkim društveno-političkim i idejnim previranjima od sredine 1960-ih do početka 1970-ih“, *Pilar: časopis za društvene i humanističke studije*, Vol. XII, No. 24 (2), 2017., str. 71- 103. Godina izlaska časopisa 2019. (Izvorni znanstveni članak).
2. Sabina Veladžić, „Kreatori bošnjačkog društva u Bosni i Hercegovini početkom 1990-ih“, *Prilozi* br. 48, UNSA - Institut za historiju, Sarajevo, 2020., str. 245-275 (Izvorni naučni rad)
3. Sabina Veladžić, „Srpska nacionalno-kulturna inteligencija u Bosni i Hercegovini o kulturnom identitetu Bosne i Hercegovine kroz rasprave o jeziku 1965-1972.“, *Historijska traganja* br. 18, UNSA - Institut za historiju, Sarajevo, 2020., str. 83-113(Izvorni naučni rad)
4. Sabina Veladžić, „Kultiviranje socio-kulturnog identiteta Bosne i Hercegovine kroz jezičnu politiku 1965.-1973.“, *Časopis za suvremenu povijest* sv. 53, br. 3, Zagreb, 2021., str. 989-1021. (Izvorni znanstveni članak)
5. Dr. sc. Sabina Veladžić, „(Bio)političke strategije rasprave o „mješovitim brakovima“ u Ljiljanu 1994. godine“, *Historijski pogledi* br. 7, CIMOSHIS, Tuzla, 2022. str. 423-456. (Izvorni naučni rad)
6. Sabina Veladžić, „Diskurzivna prezentacija žene u bošnjačkim štampanim medijima 1989-1992.“, u: Zbornik radova *Zamišljanje žene O ideološkim i kulturnim konceptima ženskog roda u povijesti Bosne i Hercegovine*, ur. Sabina Veladžić i Aida Ličina Ramić, Heinrich Böll Stiftung Sarajevo, Sarajevo 2023.,str. 254-301.
7. Dr. Sabina Veladžić, „Povjesni i (proto)nacionalni razvoj Bošnjaka i (stigmatizacija) bošnjaštva u diskurzivnim praksama kulturne inteligencije u Bosni i Hercegovini 1960/1970-ih i

početkom 1990-tih“, u: *Zbornik radova Bošnjaci u emigraciji: Adil Zulfikarpašić i nacionalno-politički vidokrug časopisa Bosanski pogledi*, ur. Dr. Safet Bandžović, Bošnjački institut Fondacija Adila Zulfikarpašića, Sarajevo, 2023. str. 165-196.

Objavljeni prikazi naučnih, stručnih publikacija i konferencija u periodu 2018-2024:

1. "Melissa Kravetz, Women Doctors in Weimar nad Nazi Germany: Maternalism, Eugenics and Professional Identity, University of Toronto Press, Toronto, Buffalo, London, 2019, 328 str." u: *Historia Moderna*, 2023 (235-243)
2. "Historijska traganja br. 17, Institut za historiju Univerziteta u Sarajevu, Sarajevo, 2018."

U: *Godišnjak, ANU BiH, knjiga 49, Centar za balkanološka ispitivanja, 2020.*, (197-199.)

3. "Jugoslavija u istorijskoj perspektivi. Prikaz konferencije pod naslovom "Jugoslovensko iskustvo i budućnost regionala", održane 13. i 14. 10. 2017.", u: *Oslobodenje*. <https://www.oslobodenje.ba/o2/kultura/jugoslavija-u-istorijskoj-perspektivi>
4. "Jugoslavija u istorijskoj perspektivi, Helsinški odbor za ljudska prava u Srbiji, Beograd, 2017." u: *Radovi* (2019.) (282-287)

U sedam objavljenih naučnih članaka koji su predmet ocjene Komisije kandidatkinja dr. Sabina Veladžić obrađuje naučno i društveno veoma potrebne, izazovne i zahtjevne teme iz bosanskohercegovačke historije druge polovine 20. stoljeća. Kao i u njenim ranijim radovima i u novim člancima dr. Veladžić pokazuje intelektualnu radoznalost i pomjera granice tradicionalnog razumijevanja primarnih historijskih izvora. Prezentaciju naučnoistraživačkih rezultata je digla na visoku intelektualnu razinu, uz često argumentiranje stavova navodima iz ključnih izvora. Uspješno pomiruje konkretnu istraživanu temu i teorijske naracije o tematskom okviru kojem data tema pripada.

Dr. Sabina Veladžić je u tematskom smislu izučavala uloge nacionalne i kulturne inteligencije u političkim i društvenim procesima u bosanskohercegovačkom i (post)jugoslavenskom kontekstu, te položaj i prezentiranje žene u bošnjačkom društvenom kontekstu druge polovine 20. stoljeća. Nekoliko radova je posvećeno prelomnim 60-im i 70-im godinama 20. stoljeća, a nekoliko još izazovnijim 1990-tim godinama bosanskohercegovačke historije. U izvornom naučnom članku „Udruženje književnika Bosne i Hercegovine u

jugoslovenskim i bosanskohercegovačkim društveno-političkim i idejnim previranjima od sredine 1960-ih do početka 1970-ih“, (*Pilar*, 2019) kandidatkinja uspješno prati proces preusmjeravanja društvene i idejne uloge Udruženja književnika Bosne i Hercegovine od strane republičke političke elite, u čijoj viziji je kulturna i književna ravnopravnost Bosne i Hercegovine razumijevana kao dio ukupne političke ravnopravnosti republika u Jugoslaviji.

U radu „Srpska nacionalno-kulturna inteligencija u Bosni i Hercegovini o kulturnom identitetu Bosne i Hercegovine kroz rasprave o jeziku 1965-1972.“ (*Historijska traganja*, 2020.) autorica analizira diskurse srpske nacionalno-kulturne inteligencije u Bosni i Hercegovini i raspravlja pitanje nacionalno-kulturnog identiteta Bosne i Hercegovine u temom naznačenom periodu, a u radu „Kultiviranje socio-kulturnog identiteta Bosne i Hercegovine kroz jezičnu politiku 1965.-1973.“, (*Časopis za suvremenu povijest*, 2021.) prati početak procesa izrastanja bosanskohercegovačke sociokulturne politike 60-ih i 70-ih godina 20. stoljeća, koju kreira političko rukovodstvo Bosne i Hercegovine i njemu bliska inteligencija, a koji su imali za cilj osmislići kulturni identitet. U posljednjem analiziranom članku koji jednim svojim dijelom razmatra pitanja iz bosanskohercegovačke historije 60-tih i 70-tih godina 19. stoljeća „Povjesni i (proto)nacionalni razvoj Bošnjaka i (stigmatizacija) bošnjaštva u diskurzivnim praksama kulturne inteligencije u Bosni i Hercegovini 1960/1970-ih i početkom 1990-tih“, (u: *Zbornik radova Bošnjaci u emigraciji ...*, 2023.) dr. Sabina Veladžić se bavi pitanjima Bošnjaka i bošnjaštva u diskurzivnim praksama kulturne inteligencije u Bosni i Hercegovini, ukazujući na izrastanje kontrateze (1990-tih) negativnim narativima o osmanskom feudalizmu, muslimanskoj kolektivnoj etici i bošnjaštvu kao feudalnoj i retrogradnoj koncepciji, snažno etabliranim u ranjem razdoblju. Tri članka kandidatkinje su posvećena 1990-tim godinama. U radu „Kreatori bošnjačkog društva u Bosni i Hercegovini početkom 1990-ih“, (*Prilozi*, 2020.) predmet posebnog interesiranja dr. Veladžić su utemeljitelji bošnjačko-muslimanskog društva pred raspad Jugoslavije, njihove idejne koncepcije u vezi s budućnošću Bosne i Hercegovine i Bošnjaka /Muslimana te veze između utjecajnih struktura unutar Islamske zajednice i političkih elita u periodu društvenog preobražaja bošnjačke nacionalne zajednice. Izvorni naučni rad „(Bio)političke strategije rasprave o „mješovitim brakovima“ u Ljiljanu 1994. godine“, (*Historijski pogledi*, 2022.) donosi analizu rasprave o „mješovitim brakovima“ koju je u junu 1994. započeo glavni urednik lista „Ljiljan“ Džemaludin Latić. Istraživački fokus u ovom radu je, kako ističe autorica, “na diskursu kao jezički konstruiranoj nacionalno-kulturnoj stvarnosti

koja se producira kroz raspravu i putem koje se kreira novi osnov za identitetsko samorazumijevanje kolektiva i uvezivanje grupe.” Posljednji analizirani članak „Diskurzivna prezentacija žene u bošnjačkim štampanim medijima 1989-1992.“, (u: Zbornik radova *Zamišljanje žene O ideološkim i kulturnim konceptima ženskog roda u povijesti Bosne i Hercegovine*, 2023.) svojom orijentacijom pripada oblasti rodnih studija, mada i ovdje, u istraživanju, argumentaciji i prezentaciji rezultata dominira historijska metoda. Tu je predstavljena diskurzivna konstrukcija bošnjačke žene u muslimanskoj vjersko-nacionalnoj štampi – Preporodu, Muslimanskom glasu, Islamskoj misli, *Ogledalu*, kao i ideološka i politička upotreba te konstrukcije.

PRIJEDLOG ZA IZBOR U ZVANJE SA OBRAZLOŽENJEM

Na konkurs za izbor u zvanje koji je predmet ovog Izvještaja prijavio se jedan kandidat, **Sabina Veladžić, doktor historijskih nauka**. Komisija je u prethodnom dijelu Izvještaja o izboru detaljno izložila rezultate svoje analize zaprimljenog konkursnog materijala i postignuća prijavljene kandidatkinje, koji su argumentacija za jednoglasni zaključak da Sabina Veladžić, doktor historijskih nauka, sada u zvanju naučni saradnik, **ispunjava sve potrebne zakonom propisane uslove da se ponovo izabere u isto zvanje** naučni saradnik za oblast moderne historije na Univerzitetu u Sarajevu - Institutu za historiju. Dr. Sabina Veladžić je od prvog izbora u zvanje naučni saradnik ostvarila zavidne rezultate koji nadilaze zakonom propisane minimalne uvjete za izbor u isto zvanje naučni saradnik, još više suštinom naučnog doprinosa nego formalnim brojkama. Svojim znanjem i historiografskim i javnim angažmanom značajno doprinosi demitolizaciji historije kao nauke. Prema temama koje istražuje, historijskim izvorima i korištenoj historiografskoj literaturi uspostavila je visok stepen kritičkog odnosa, a njen metodološki pristup karakterizira aktivan promišljajući odnos, propitivanje i polemika. Dr. Sabina Veladžić je u tom smislu dala vrijedan doprinos izučavanju uloge nacionalne i kulturne inteligencije u političkim i društvenim procesima u bosanskohercegovačkom i (post)jugoslavenskom kontekstu, kao i položaju i prezentiranju žene u bošnjačkom društvenom kontekstu.

Dr. Sabina Veladžić od postignuća neophodnih za ponovni izbor (reizbor) u isto zvanje naučni saradnik:

1. Imala je stepen doktora historijskih nauka (iz oblasti za koju se bira);
2. Diplomski studij završila je s prosječnom ocjenom 9,4, postdiplomski s prosječnom ocjenom 9,5, a treći ciklus studija s prosječnom ocjenom 9,0. Sve je to znatno više od zakonom propisane najmanje prosječne ocjene koja iznosi 8,0. Dobitnica je Zlatne značke Univerziteta u Sarajevu (2005).
3. U priznatim publikacijama (časopisima i zbornicima radova) samostalno je objavila sedam (7) naučnih radova (članaka) i četiri (4) prikaza iz oblasti za koju se bira. Pet naučnih radova objavljenih u recenziranim historiografskim časopisima kategorizirani su kao izvorni naučni radovi, a Komisija je i preostala dva naučna rada, objavljena u zbornicima radova, klasificirala kao izvorne naučne radove (članke). To je znatno više od minimalno predviđena tri rada po Zakonu o naučnoistraživačkoj djelatnosti Kantona Sarajevo.
4. Sa zapaženim referatima je učestvovala na bosanskohercegovačkim i međunarodnim naučnim konferencijama, okruglim stolovima, seminarima i radionicama. Vodila je istraživačke projekte ili učestvovala u njima.
5. U objavljenim radovima, realiziranim projektima, u uređivanju zbornika radova, učešćem u redakcijama historiografskih časopisa pokazala je odlične naučnoistraživačke sposobnosti.

Sve navedeno u Izvještaju i Obrazloženju daje za pravo Komisiji da sa zadovoljstvom predloži Vijeću Instituta za historiju Univerziteta u Sarajevu da se Sabina Veladžić, doktor historijskih nauka, sada u zvanju naučni saradnik ponovo izabere (reizabere) u zvanje naučni saradnik za oblast moderne historije na Univerzitetu u Sarajevu - Institutu za historiju s obzirom da ispunjava sve potrebne zakonom propisane uslove.

Komisija:

Prof. dr. Edin Radušić, predsjednik

dr. Aida Ramić, član

dr. Edin Omerčić, član